

6

GEMMAE NONNULLAE
AUGURALES ET MYSTICÆ

EX MUSEO

VIRI PERILLUSTRIS

PETRI JOHANNIS MONRAD

DEPUTATI IN CANCELLARIA DANICA, REGI A CONSILIIS CONFERENTIARUM
ATQUE EQUITIS ORDINIS DANEBROGICI.

EXPLICARE CONATUS EST

M. BIRGERUS THORLACIUS

PROFESSOR LINGVÆ LATINÆ ORDINARIUS, REGI A CONS. STATUS,
ET ORD. DAN. EQUUS.

H A V N I A E..

EX OFFICINA SCHULTZIANA.

1821.

Al Reverendissimo Signore Scotti





Gemmarum antiquarum ea est, præter alias laudes, præcipua commendatio, quod priscarum nationum mores, ritus et opiniones fide nobis repræsentant. Nulla fere datur religiosæ, civilis, militaris, domesticæ et omnino quotidianæ veterum vitæ pars, quin ex illis aliquid lucis possit nancisci. Apud Græcos Romanosque, gemmarum scalptores integras habebant officinas, in quibus id egisse videntur, ut, quæ emtoribus maxime placerent, ideas lapidibus pretiosis exprimerent. In rebus mythologicis notiones quidem vulgo receptas univèrse sequebantur, sed ita, ut multa sæpe ex proprio ingenio adderent, multa ad hominum, qui ipsorum opera

A*

uterentur, lubitum accommodarent. Ad has aliasque rationes, quæ lubricam atque ad vera antiquitatis placita inde eruenda arduam faciunt glyptologiam veterem, accedunt novæ difficultates, ex recentiorum sculptorum dexteritate in arte veterum imitanda, quæ in multis monumentis maximæ jure censentur. Ex his nemo facile extricare se poterit, nisi qui plurimis talibus videndis eruditum oculum sibi paraverit; sed is quoque comperiet, habere priscam artem sua indicia, habere antiquitatem certa sibi vestigia, quæ diligentem talium operum investigatorem non fugiant.

Inter privatas Havniæ dactyliotheças locum honorificum sibi vindicat ea, quam possidet Vir Perillustis P. J. Monrad, Regi a Consiliis Conferentiarum, in Cancellaria Danica Deputatus atque Ordinis Danebrogici Eques. Uti tribus antea scriptiunculis quasdam ex ista collectione gemmas memorabiles explicare atque illustrare conatus sum, ita nunc gemmas XIV, partim animalia partim singulares notas incalpta habentes, quas tabula ænea huic libello præfixa sistit, possesfore liberaliter permittente, elegi, in quas commentarer. Ex primis octo lapidibus plerique aves augurales ostendere videntur; nonus insolitam habet asinorum conjunctionem; quinque ultimæ gemmæ non astris solum, sed et aliis signis mysticis doctorum poscunt animi attentionem. Liceat de hisce monumentis, quæ variis antiquitatum clasficarum partibus lucem affundunt, ordine disserere.

I.

De octo gemmis aves repræsentantibus primo loco erit dicendum. Numeris 1, 2 et 3 insignitæ, in carneolo rubro, 5 cæteræ in lapide lazuli exsculptæ sunt. Si n. 8 exceperis, reliquæ omnes

aves exhibent rostro hifcente; id quod apertum avium auguralium indicium efle videtur, ultimam vero excludere nolui, quia ei fimiles in aliis dactyliothecis reperi. Omnes quidem ejus funt magnitudinis, quam habent delineationes in Tab. ænea datæ.

Cum noftra interesfet fcire, quasnam aves gemmæ ofienderent, confului hac de re doctiffimum noftrum Reinhardt, Profefforem Hiftoriæ Naturalis, in Zoologia præcipue habitantem; is fententiam fuam amice mecum communicavit, monens tamen, notas animalium characterifticas raro in gemmis ab artifice adeo accurate efle expreflas, ut certum quid de animalis fpecie pronuntiare liceat. Juxta ejus fententiam No. 1 avis eft canora, pleno pectore cantillans; No. 2, 5, 7, alites funt aquatici ex familia anferum. No. 3 gallinam efle cenfet; de No. 4 fibi non liquere profitetur; No. 6 ex robuftiore corporis ftructura avim rapacem dicendam judicat; nam licet roftrum et ungulæ non optime quadrent, utraque tamen in hac, quam in cæteris avibus, validiora reperit. No. 8, microfcopio fubjectum, pavonem efle exiftimat; id quod criſtula in capite prope roftrum eminens, corporis poſitura, pedum altitudo nuditasque illi perſuaserunt; obſervat cæterum caudam, cujus plenam longitudinem ſiſtere ſpatium non permetteret, gemmæ margine abruptam videri.

In pavone non longe morabimur. Iſtam avim, quippe Indicam, rariorem et pulcherrimam, in magno pretio habuiſſe Romanos ſatis conſtat. "Huic natura formæ e volucribus dedit palmam," ait Varro;¹⁾ idemque²⁾ "ſaginare, inquit, primus inſtituit

1) de re ruſtica III, 6.

2) ibidem.

circa novissimum piraticum bellum M. Aufidius Lurco, exque eo quaestu reditus sestertium sexagena M. habuit. Hortensium secuti multi extulerunt eorum pretia ita, ut ova denariis veneant quinis, ipsi facile quinquagenis." Suetonio teste,³⁾ Tiberius ob pavonem e viridario surreptum, militem praetorianum capite punit; Romanosque helluones imperatorum Augusto proximorum tempore pavonum linguas et intestina palato dulcissima reperisse, ejusdem Suetonii lectores meminerunt. Non mirum ergo pavones a sculptoribus saepe repraesentatos fuisse. In museo Chaussei⁴⁾ pulcher cernitur pavo tab. 153, et in Dactyliothea Stofschiana plures tales commemorantur.⁵⁾ Sed pavonem nunc quidem mittimus, ut ad aves augurales veniamus.

Ars auguralis pars erat late patentis scientiae divinatoriae, quam Romani ab Etruscis didicerant. Habet Cicero in opere de Natura Deorum, sed imprimis in libris de Divinatione, habet Pompejus Festus in Lexico de verborum significatione inscripto multa, quibus disquisitio de Romanorum auguriis posset superstrui. Cogit hic locus nos intra ea manere, quae res proposita poscit. Commemorat Tullius⁶⁾ libros Etruscorum haruspicios, fulgurales et tonitruales; nominat *libros Romanorum augurales*; mentionem etiam facit⁷⁾ plurium Graecorum, qui de hoc argumento scripserant, ex quibus duo erant Chrysippi Libri de divinatione, unus de oraculis, unus de

3) Tiber. c. 60.

4) Le gemme antiche figurate di Michel Angelo Causéo de la Chauje, in Roma 1700. 4to.

5) p. 555-56.

6) Divin. I. 33.

7) ibid. c. 3.

femniis; unus liber Babylonii Diogenis, ejus auditoris, duo Antipatri, quinque Posidonii.

Cum ex præfatione, editioni librorum Joh. Laur. Lydi de magistratibus reipublice Romanæ⁸⁾ præmisfa, Car. Bened. Hasium præfationis auctorem (virum solide eruditum, atque ut plurimum doctorum operum auctorem, ita celebrem Leonis Diaconi aliorumque Byzantinorum editorem), libellum ejusdem Lydi *de ostentis* cum commentario typis præparasse scirem, amicū meū Hylandrum Doctorem Philosophiæ in Univers. Lundensi, exquisitæ eruditionis juvenem, qui Parisiis aliquot mensibus morabatur, per literas rogavi, ut Hasium adiret, meoque nomine copiam expeteret istud Lydi *ἀνέκδοτον* inspiciendi, atque, si quid forte ad fontes librorum Giceronis de Divinatione cognoscendos illustrandosque pertineret, in meos usus exscribendi. Hic librum cum Hylandro benigne communicavit. Sic comperi,⁹⁾ opus Lydi forte hoc ipso anno proditū.

8) περί ἄρχων τῆς Ῥωμαίων πολιτείας, per Joh. Dominic. Fuss, Parisiis 1812. 8vo.

9) Liceat ipsam Hasii Viri Cl. ad Hylandrum epistolam Parisiis, d. XII. Martii scriptam, hic inferere. "Ich hätte gewünscht, verehrtester Freund, meine Ausgabe des Lydus: *De ostentis*, wäre schon erschienen, um Ihnen einige Exemplare, für sich selbst und für Hn. Profesor Thorlacius, anbieten zu können. So aber habe ich dem Gedanken, wie ich ihn in der Vorrede zu dem Buche: *De magistratibus* §. XXXVI. äusserte, aufgegeben; theils wegen Hn. von Choiseuls Tode, der Lydus Werke sehnlichst gedruckt zu sehen wünschte, theils wegen der von mir seitdem angefangenen Ausgabe ungedruckter Byzantiner. Indessen werde ich die kleine Schrift: *De ostentis* vielleicht diesen Sommer schon erscheinen lassen, aber nicht mit dem commentarius perpetuus, den ich versprach, nicht mit den Parallelstellen aus ineditis u. s. w. (welches alles dem Werkchen vielleicht einigen Werth gegeben hätte) sondern nur den Text und meine lateinische Uebersetzung: Beide theile ich Ihnen hier in meiner Hand-

rum, atque de argumento ejus sequentia ab Hylandro meo edoctum sum: Initio libri J. Lydus fontes suos adfert, quos inter gravissimum censet Opus Tarchonis, idque continere dicit colloquium, inter Tagetem atque Tarchonem; dein memorata Tagetis e periculo liberatione sic pergit: "Tarchon major (nam alter quoque inferioris ætatis fuit Æneæ temporibus in bello versatus) cum puerum sublatum locis sacris deposuisset, petit, ut se quid arcanorum edoceat. Quæ rogaverat, impetrat. E pronuntiatis librum conscribit, in quo interrogat Tarchon Italo nostro vulgari sermone, respondet Tages, literas vetustas, neque ita nobis cognitæ, retinens in responsis. Sed tamen, quantum in me fuit, cum ex interrogationibus, tum ex auctoribus aliis, qui hos interpretati sunt, h. e. Atejo Capitone, Fontejo, L. Apulejo..... [pro Βασίλειον, quod in textu legitur, legendum conjicit Halius: Cn. Gellio], Antist. Labeone, P. Nig. Figulo, C. Plinio naturalis historiæ scriptore, conabor ea vobis enarrare." Argumentum libri sui tale proponit: "De solis et lunæ obumbrationibus, de cometis deque discrimine inter ipsos, de fulcibus et trajectionibus stellarum, de fulgetris, tonitribus, fulminibus, *de reliquis per aërem prodigiis*: postremo de terræ motibus, incendiis et de divinatione, quæ inde fiat." Ex scriptis peregrinis desumit J. Lydus hæcce diaria: "1. Diarium tonitruale et

Schrift mit. Ziehen Sie aus dem Buche aus, was Sie für Hn. Prof. Thorlacius wichtig glauben, z. B. die Erzählung von Tages Schriften. Ihren gelehrten Freund, dessen treffliche Arbeiten ich wohl kenne, und die mir oft nützlich waren, schätze ich so sehr, daß ich die Gelegenheit mit Freuden ergreife, zu Beförderung jener das wenige, was ich kann, zu thun. Mit wahrer Hochachtung und Ergebenheit ganz der Ihre....

Hase."

locale, juxta lunam, secundum P. Nigidium Figulum, ex scriptis Tagetis expressum ad verbum. 2. Tonitruale ex scriptis Fonteji translatum ad verbum. 3. Εφήμερος τῶ παντὸς ἐναυτοῦ, ἤγουν σημεῖωσις ἐπιτολῶν τε καὶ δυσμῶν τῶν ἐν οὐρανῷ φαινόμενων, ἐκ τῶν Κλαυδίου τοῦ Θούσκου καὶ Ἰερμηνεῖαν πρὸς Λέξιν." Hactenus Hylander. Si prodigia per aërem intellexit J. Lydus de avium apparitione, in hac forte sectiuncula reperientur, ubi opus prodierit, quædam auguriis illustrandis inservitura. Fontes nonnullos, nunc deperditos, eum cum Cicerone communes habuisse, non est quod dubitemus. Cæterum equis illa de Tagete legens, non in memoriam revocabit hæcce Ciceronis verba: ¹⁰⁾ "Tages quidam dicitur in agro Tarquiniensi, quum terra araretur, et sulcus altius esset impressus, extitisse repente, et eum affatus esse, qui arabat. Is autem Tages, ut in libris est Etruscorum, puerili specie dicitur visus, sed senili fuisse prudentia. Ejus adspectu cum obstupuisset bubulcus, clamoremque majorem eum admiratione edidisset, concursus esse factum, totamque brevi tempore in eum locum Etruriam convenisse: tum illum plura locutum multis audientibus, qui omnia ejus verba exceperint literisque mandaverint: omnem autem orationem fuisse eam, qua haruspiciæ disciplina contineretur; eam postea crevisse rebus novis cognoscendis, et ad eadem illa principia referendis. Hæc accepinus ab ipsis; hæc scripta conservant; huic fontem habent disciplinæ."

Ut ad aves redeamus, sumebant Romani auspicia triplici modo, videl. ab illis sive *cantantibus*, sive *volantibus*, sive *edentibus*. Primum ultimumque in gemmis, de quibus agimus, respici-

tur. Aves ex priori genere dicebantur *oscines*, nempe, ex Appii Claudii apud Pomp. Festum explicatione: "quæ ore canentes faciebant auspicium, ut corvus, cornix, noctua;" quæ vero volatu auspicium faciebant, appellabantur præpetes, vel alites. Memorat Festus plura epitheta ipsis data, quæ de totidem in arte observatis diversitatibus monent, uti sinistras, funebres, arcular, remoras, inebrias,¹¹⁾ clivias¹²⁾ cæst. In tertio auspicii genere, quo ad *avium esum* adtendebatur, galli gallinacei, atque pulli præcipue observabantur, sed (Cicerone, qui ipse augur erat, diserte testante)¹³⁾ habebatur vetus collegii decretum, *omnem avem tripudium facere* posse. Tullius, qui in libris laudatis identidem asserit, suo tempore augurum diligentiam multum decesisse, memorabilem de tripudio habet locum, quem hic apponere non poenitebit. "Hæc¹⁴⁾ certe, quibus utimur, sive de coelo, simulacra sunt auspiciorum, auspicia nullo modo. Q. Fabi, te mihi in auspicio adesce volo; respondet: audi vi. Hic apud majores nostros adhibebatur peritus, nunc quilibet. Peritum autem esse necesse est eum, qui, silentium quid sit, intelligat. Id enim silentium dicimus in auspiciis, quod omni vitio caret. Hoc intelligere perfecti anguris est. Illi autem, qui in auspicium adhibetur, quum ita imperavit is, qui auspicatur: *dicito*, si silentium esse videbitur: nec suspicit, nec *circumspicit*; statim respondet: silentium esse videri. Tum ille: *dicito*, si pascuntur — pascuntur. Quæ aves, aut ubi? Attulit, inquit, in cavea pullos is, qui ex eo

11) ɔ: arcentes, morantes, inhibentes.

12) ɔ: prohibentes, quia clivia sunt difficilia.

13) de Divin. 11, 35.

14) de Divin. 11, 34.

ipſo nominatur pullarius. Hæ ſunt igitur aves internuntia Jovis, quæ paſcantur, necne, quid reſert? Nihil ad auſpicia; ſed quia, quum paſcantur, neceſſe eſt, aliquid ex ore cadere, et terram pavire, terripavium primo, poſt terripudium dictum eſt: hoc quidem jam *tripudium* dicitur. Quum igitur offa cecidit ex ore pulli, tum auſpicianti tripudium *ſoliſtimum* nuncupant." Cum hoc loco conjungendus erit alius, libro ejusdem operis primo,¹⁵⁾ qui ei non contradicit, modo meminerimus, Ciceronem in priore de divinatione libro fratris Quinti (religioſioris) cautius, in poſteriore libro, ſuo nomine, liberius loqui. "Noſtri quidem magiſtratus *auſpiciis* utuntur *coactis*. Neceſſe eſt enim, offa objecta, cadere fruſtum ex pulli ore, quum paſcitur. Quod autem ſcriptum habetis, tripudium fieri, ſi ex ea quid in ſolum ceciderit; hoc quoque, quod dixi, coactum, tripudium ſoliſtimum dicitis. Itaque multa auguria, multa auſpicia, quod Cato ille ſapiens queritur, negligentia collegii, amiſſa plane et deſerta ſunt."

Si vera eſt, quam nuper laudavimus, Marci Tullii aſſertio, ex collegii augurum decreto *omnem avem* tripudium dare poſſe, non eſt, cur longe aut anxie ſcrutemur, quales ſint aves in ſeptem gemmis expreſſæ; ſed convenienter notis, quas ut ante attulimus Zoologia ſuppeditat, ſtatueri poſſe nobis videmur, aves ad tripudii augurium deſtinatas agnoſcendas eſſe, n. 3. gallinam, n. 2, 5, 7. tres anſeres; de quibus animalibus præterea conſtat,¹⁶⁾ ea in memoriam beneficii Gallis arcem aggredientibus Romæ præſtiti, in Capitolio (videlicet in curia Calabra) fuiſſe alita; quare etiam prima Cenſo-

¹⁵⁾ de Divinat. 1, 15.

¹⁶⁾ cfr. Liv. V, 47. Plin. H. N. X, 22.

rum quovis anno cura erat,¹⁷⁾ anserum sacrorum alimento providere. Nus 4^{us} in eadem classe sine dubio ponendus erit. Cum sciamus, pullarios, talia auspicia capturos, aves ad hanc rem esarie præparasse, credere fas est, apertum avium rostrum earum aviditatem exprimere ossam, ipsis tali occasione dari solitam, captandi. Superfuit ergo, qui forte oscines censendi, n. 1 & 6, quorum hic, quippe rapax ales, in corvorum, cornicum vel simili familia querendus; sed n. 1. avis est cantatrix, ramulo, malogranatum in summo habenti, insidens. Hicce fructus, quem mythicum fuisse certum est, suspicionem excitare posset, de remotiore et mystice hujus representationis sensu; verum cum gemma minus certæ, quam reliquæ, antiquitatis esse videatur, hanc de malogranato disquisitionem alii loco servare malumus.

II.

Gemmam, quam n. 9. sinit, singulatim examinandam sumimus, quia sculpturæ præstantia, et representationis infrequentia id meretur. Carneolus ruber est, magnitudinis quam tabula ænea indicat, operisque accuratatione et lævigatione indicia antiquitatis præ se fert indubia.

Cernuntur quinque asini, arte omnes feliciter expressi. Ut toto corporis habitu hæc animalia facile cognoscuntur, ita longioribus præcipue auribus. Ligamen, quod circa collum habent, vix aliud esse potest quam frenum; ut adeo gemmæ argumentum dici possit stabulum asininum.

Istam rem in opere vetustæ artis tractari, nemo antiquitatis gnarus mirabitur. Creuzerus, mythologiæ veterum callidus, siquis,

¹⁷⁾ Teste Plutarcho in Quæstionibus Rom. §. 98.

intérpres, in libro: Symbolik und Mythologie der alten Völker, P. 3. L. 3. Cap. 2. §. 11. & 12,¹⁸⁾ quantum istud animal cum sacris mysticis, iisque magnæ prisce ævo venerationis, cohæserit, ingeniosa disputatione ubertim ostendit. Uti loquentem Bileami asinum biblia sacra memorant, ita quoque in mythis Bacchicis et Priapicis idem occurrit, sic quidem, ut hæc fabula etiam Jovis Dodonæi, inter numina Græciæ antiquissima referendi, cultui arcte esset innexa. Asinus, ut animal propheticum, Apollini erat sacer, quia rudendo aëris rationes prædicere credebatur; ob lasciviam Baccho putabatur placere, et symbolum habebatur fervoris vino atque ebrietate producti; atque, uti certum est, varias sacerdotum et mystiarum clasces nomina gessisse urforum, columbarum, apium, uti in Ægyptiorum mysteriis iidem corvi, aquilæ, leones nuncupabantur, sic haud improbabile censebitur, nonnullis mystis asini appellationem fuisse impositam. Plura forte hac de re invenientur in Theod. Hafæi Onolatrea 1716 forma 4^a; verum istius libelli exemplar nancisci huc usque mihi non contigit.

Gemmam ad seculum 2^{dum} vel 3^{ium} a Christo nato refero, re-præsentationemque in ea obviam sic intelligo: Cum isto ævo mysteria, ab Asia præcipue profecta, vulgaria essent, et ipsa evulgatione vilescerent, erant multi, qui sacrorum arcanorum involucro abuterentur non ad nugas solum et inania, sed ad res turpissimas et quam maxime obscœnas patrandas. A Marci Aurelii Philosophi tempore id imprimis usu invaluisse, docet historia. Cordationibus hominibus non poterant non displicere tales ineptiæ; atque ingeniosi scriptores, ut hanc et opinionum et morum pravitatem tutius taxarent, asini

18) 2^{te} Ausgabe Leipzig und Darmstadt 1821. Vol. 3, pp. 200-230.

involucro suarum historiarum, librorumque argumentum induerunt. Hoc animal, quippe auritum, istas vesanias bene audiebat; bruto pecori nil tegebatur, nimirum quia nullus metus erat, ne visa vel audita, si vel maxime nefanda essent, eliminaret. Photius in Codice Bibliothecæ 129 refert, *Lucium* quendam *Patrensem* transformationum varias narrationes pluribus libris (nunc deperditis) conscripsisse. Superstitem habemus *Luciani* Samosatani libellum *Ἀσύνος* s. *Ὀνος* inscriptum.¹⁹⁾ *Appulejus* denique Madaurensis in *Metamorphoseon* Libris XI.²⁰⁾ idem propositum sibi habuit, eodemque propositi tegumento, sed multis et sæpe longis digressionibus variato, usus est. Cum duobus prioribus *Lucii* Patrensis libris magna cum *Luciani* ὄντος similitudo intercederet, dubitabat Photius, uter ex altero sumsisse credendus esset, id unum addens, quod *Lucianus* ridiculum magis sectatus fuerit, *Lucius* contra res prodigiosas serio et per longas ambages attulerit. Judicabat, non sine ratione, *Wielandius*, a *Luciani* ingenio haud expectandum, ut alium exscriberet. Statnendum forte, et *Lucium*, et *Lucianum* ex eodem de asini migrationibus fonte, sed diverso, pro suo utrumque more, hausisse. Si superesset auctor Patrensis, illi, quatenus ex Photio judicare licet, *Appulejus* longe, quam *Lucianus*, similior, sine dubio reperiretur.

Ut videat Lector, qualis seculo 2^{do} p. Chr. tenor esset narrationum de asino circumlatarum, *Luciani* (quem *Appulejo* multo ingeniosorem scriptorem esse omnes fatentur) ὄντος argumentum pau-

19) *Luciani* Samosatani Opera, cum nova versione Tib. Hemsterhusii et J. M. Gesneri, multisque multorum notis ed. J. Fr. Reitzius T. II^{do}. Amstelod. 1743. in 4^{to}. p. 567-625.

20) cfr. Editio Franc. Ouden-dopii. Lugd. Batav. 1786 in 4^{to}.

cis apponam. "Profectus erat Lucius ad urbem Thesaliæ Hypatam dictam. Hic cum audisset, uxorem hospitis, artis magicæ peritam esse, ab ancilla, quam in suas partes traxerat, impetrat, ut mulierem, noctu sese in corvum mutantem, observaret. Quo viso ipse ejus rei periculum facturus, pyxidem ab ancilla accipit, sed hujus errore talem, qua in asinum mutaretur. Promiserat serva, se cum prima luce rosas, ut in formam humanam rediret, ipsi edendas præbituram; verum antequam id fieret, in stabulum abductus erat. Eadem nocte irrumpebant prædones asinumque præda onustum abigebant. Narrantur jam ejus inter latrones fata; quibus captis in mulionis maligni manus incidit. Postea in Macedoniam abductus cinaedo vendebatur, qui Deam Syriam per pagos circumferebat; ita testis erat omnium fraudum, ineptiarum et flagitiorum, quæ homines mysteria istius Deæ venditantes committebant. Deinde in pistrinum abigitur; postea ab olitore emitur; denique in manum venit servi prædivitis viri. Hic cum cibo et potu non asinorum, sed hominum vescens, adeoque cum muliere libidinosa rem habens insignem se reddidisset, tandem, ut populo spectaculum præberet, in theatrum abductus, rosas videt, quibus devoratis formam humanam recipit." Cum inter diversas hominum imprimis ex plebe, classes, prædones, muliones, olitores, mystas circumforaneos et servos circumdaceretur, asinus, patebat ingenio Luciani largus campus ad singulorum descriptiones digrediendi; ex quibus elucet, quantopere in vulgo mystica superstitio tum dominaretur. Sed præcipue elucet id, de quo hic quærimus, asinum in mysteriis ceu mythicarum narrationum involucrum frequentissime tum fuisse adhibitum.

In allatis itaque sat rationis reperio, cur in gemma nostra asini sint expressi. Cur autem potissimum quinque ponerentur, mihi non liquebat. Consulebam hac de re virum, quo nemo apud nos in historia mysticismi versatior, Professore Celeberrimum Vedel-Simonem. Is ad hanc aliasque de hisce gemmis quæstiones amice respondens, ingeniosam proposuit sententiam, numerum quinum electum esse, maxime habita ratione pentagoni, in mysteriis antiquis sæpe occurrentis, idque tanto potius hic factum, cum ipsa vocum *πενταγώνος* (quinque asinorum repræsentatio) et *πενταγωνος* soni similitudo ad id invitaret. Huic sententiæ lubens subscribo; nam veteres in mysticis imaginibus talem soni similitudinem spectasse, res est exemplis nimis testata, quam ut de ea dubium superesse possit. Idem vir acutissimus censet, et gemmas, quæ aves, et hanc, quæ asinos listat, in mystiarum gratiam fuisse elaboratas, ut ab illis cœu sigilla characteristica adhiberentur; quam opinionem sane non improbabilem Lectorum iudicio submittere malo, quam in re incerta aliquid certi pronuntiare.

III.

Venimus ad ultimas quinque gemmas, in tabula ænea exhibitas. Sunt omnes in lapide lazuli exscalptæ. Possessor earum Perillustis n. 10 et 11 cum n. 13 et 14 conferendo autumabat, gemmas vitri eas esse dicendas, exprimique cordis humani cum vitro quoad fragilitatem et inconstantiam similitudinem. Huic opinioni quantum pulchri insit, quisque intelliget, qui fidem hominum haud raro pellucidiorum vitro esse compererit; id vero maxime obest, quod duplex pro simplici V positum cernitur. Mihi gemmas, quæ in celebribus dactyliotheis cum his comparandæ oc-

currant, circumspicienti, alia in mentem venit sententia, quam hic proponam.

Duæ sunt lapidum sculptorum clasces, quæ his illustrandis inserviunt; una astriferorum, altera Abraxeorum. De illis agit Ant. Francisci Gorii Thesaurus gemmarum astriferarum, interprete Joh. Bapt. Pasferio;²¹⁾ Abraxeos vero nuper doctissime tractavit Joh. Joach. Bellermann²²⁾. Stellæ, quatuor gemmis Monradianis impositæ, dubitare non sinunt, magicum quid in illis querendum; et n. 12. uti lucem illis affundit, ita vicissim ab illis foeneratur. Superstitionis a seculo inde 2^{do} p. Chr. n. invalescentis pars erat, quod astris vim singularem in vitam et fata mortalium homines vulgo tribuebant; dumque id in artis quoque monumentis fidebant exprimere, ut ea ceu amuleta circumferrent, haud mirum est, in gemmis sidera sæpissime cerni. Hæc cum aliis, gentium opiniones ad Christianos dein transibant, atque in Christianorum monumentis haud raro occurrunt. Suspicio lapidis heic nobis propositos ex isto esse genere, eosque sic interpretor:

- a) N. 10 et 11. ostendunt præter stellam, (sidus videlicet magicum) Jovæ nomen abbreviate et mystice scriptum. Gemmas astriferas, et Abraxeas in variis libris descriptas inspiciendo animadvertetur, quantopere ingeniositas humana sibi placuerit in sancto isto nomine varie exprimendo. Ipsa Abraxæ appellatio, ex duabus vocibus Ægyptiacis Abrak et Sax²³⁾ (p: benedictum s. augustum et venerandum nomen) composita,

21) tribus Voll. in Fol. Florentiæ anno 1750.

22) Versuch über die Gemmen der Alten mit Abraxas-Bilde. 8^{vo}. 1817. 1818. 1819. 1^{tes}, 2^{tes} und 3^{tes} Stück.

23) Cfr. Bellermann l. c. p. 49. 1^{tes} Stück.

vocis sanctitatem innuit. Quoad scriptionem divini nominis satis est notabile, quod interdum quidem IAO (ut O sit *Ὠμειον*) reperitur;²⁴⁾ verum ubi-Omega ponitur, literæ hujus forma, rarius rotunda est (Ω aut ω), sed plerumque angulata, ita ut ad duplicis V similitudinem accedat (W fact. ex ω) et apices valde acutos habeat. Sic apud de la Chausse tab. 137, Gorium tab. CLXXXVI et CLXXXIX, Bellermann Fascic. 1. p. 37, Fascic. 2. p. 27. cæt. Præterea ipsæ vocis literæ mutando, invertendo, circumponendo, dividendo atque abbreviando vehementer variantur. Habetur Abraxas,²⁵⁾ in quo sentum est, 5 lineis Jovæ nomen, cum quadruplici varietate sistens, npe: HAI. HAI. HIW. AIW. IAW. \circ : jaë, jaë, jeo, jao, jao. In gemma magica apud Gorium tab. CLXXXIX. legitur (inverſe) WAI (jao), in tab. CXC, gemmâ eâdem, quæ ad latus inscriptum habet IAO, legitur in margine inferiori AW; et in tab. CLXXXVI. ubi figura est alata, utraque manu baculum cum capite canino sustinens, a lateribus capitis, pileo et tridente ornati, legitur AW. Hæc ultima abbreviatio tanto magis placebat, cum alpha et omega præeunte Apocalypſi Johannea dignissima numine appellationis contractio videretur. His ad gemmas n. 10 et 11. applicatis, video in illis notam IW (\circ : Jo, pro Jao); uti apud Gorium T. II. P. 267. n. 101, occurrit (bis positum) Iw, Iw, et in collectione Thomæ le Coiute apud Chiffetium Fig. 9²⁶⁾ leguntur in scuto ad dextram Abraxæ partem, quinque lineæ, quarum IV

24) ap. Gorium in gemmis Afriferis tab. CXC. Vol. 1.

25) cfr. Bellermann Fascic. 2. p. 26. n. 13.

26) et apud Goriæum Fig. 333.


priores habent voces Ægyptiacas MAI MVM VX LVM (α: ὑπόστασις, πηγή, σωτηρία, ψωμίον), ultima ωι α: jo (*jao*) inverse scriptum. Sed in Monradianis id novum est, quod I non verticali, sed horizontali linea pingitur, apicibusque literæ W (α: omega) adeo arcte innectitur, ut cum ea unum velut characterem efficiat.

- b) In n. 12. aliud est artificium in exprimendo augusto numinis supremi nomine, idque, ut memorabile, ita ingenio hominum, ejusmodi amuleta et fabricantium et gestantium, fatis conveniens. In Gemmis Abraxeis plures in isto nomine scribendo inversiones jam notavimus. Nunc attendere imprimis juvat ad istud commentum, quo eadem voces et directe et retrograde ponebantur, ita ut vocabulum in medio positum ntrisque commune, et ad utrasque referendum esset. Sufficiet duo exempla afferre. In Dactyliotheca Tassiana²⁷⁾ et alibi habentur Abraxæ, circumscripti literis Græcis ΑΒΑΝΑΘΑΝΑΔΒΑ. Sunt voces *Ab lan atha* et directe et retrograde expressæ, sic ut utrique sententiæ commune sit vocabulum *atha* in medio positum. Verba sic erunt intelligenda, ut Beller-mannus et alii docuere: אֵתָה לַאֵלֹהִים תּוּ tu (ens divinum) nobis pater es. Ea vero amuleta tanto libentius affero, cum bienio abhinc repertus sit in antiquo quodam sepulchro inter multa aurea cimelia in Fionia globus aliquis crystalleus simili nota inscriptus. In Abraxa nuper memorato, nomen Jao cum quadruplici varietate in scuto exhibente, in superiore gemmæ parte supra flagellum, capiti galli gallinæ immi-

27) A descriptive Catalogne of engraved gems by James Tassie, described by R. E. Raspe. London 1791. 4^{to}. Vol 2 tab. VIII. n. 355.

nens, legitur insuper hæc nota: IAWAI. Ea vero est *Jao*, et directe et inverse scriptum ita ut W utrique voci sit commune. Similem inversionem, sed verticalem, in gemma Monradiana n. 12. reperio, legoque AWAU, literis sibi ita inflexis, ut W (ω : α) bis positum sit ($\begin{smallmatrix} W \\ W \end{smallmatrix}$), A item ($\begin{smallmatrix} A \\ A \end{smallmatrix}$), verum hoc quidem ductibus adeo artificiose textis, ut ad utrumque W, et rectum et apicem inversum habens, possit pertinere. Videmus ergo in hoc amuleto *Dei nomen per alpha et omega bis repetita expresum*; quo omnia nullum beneficentius credi poterat lapidis gestatori.

- c) N. 13 et 14 amuleta esse censeo amatoribus et amatricibus idonea, dum videlicet putarent, efficacem astri vim, non sine effectu fore ad corda mutuo affectu permovenda.

Cum sic mihi explicuisssem harum gemmarum representationes, consului de iis etiam, ut debebam, doctissimum nostrum Professore Vedel-Simonfen. Ingeniosam ejus gemmarum 10 et 11. interpretationem nefas foret reticere. Existimat mecum, W esse omega, sed alpha reperit insidere, quia vox *Ἀστρον* ab alpha incipit, et soni similitudinem venari solebant amuletorum fabricatores. Sententiam, quam de ultimis quinque gemmis vir harum rerum peritissimus epistola d. 23 Maji h. a. data, mecum communicavit, liceat hic apponere. Putat figuram n. 12. expressam, esse mysticum  aliquantisper variatum, quod mutuam actionem insigniat duorum oppositorum, ignis (Δ) et aquæ (∇); (cum istæ notæ vel hodie in Chemia adhibeantur ad duos ea elementa insigniendos); quod universe mutuam actionem entis quod dicunt virilis (agentis) et feminei (patientis) in regno naturæ intellectuali, morali & physico denotet.

"Quamvis [verba sunt epistolæ] nota n. 12 videri posset esse ista Dokana, quam Plutarchus initio libelli *περὶ Φιλαδελφίας* memorat, ceu signum Dioscurorum, æque tamen certum est, Gnosticos notam gemmæ impressam diagramma vocasse, quod vocabulum interpretari vellem quasi dyogramma, ex duabus junctis literis s. diphthongo compositum. Nec minus certum de n. 13 et 14, Ægyptios terram (Ægyptiacam tellurem) atque adeo Isidem figura cordis repræsentasse; nam quando coelum atque Ægyptum s. coeli in tellurem Ægyptiacam vim sistere volebant, teste Plutarcho (de Iside et Osir. p. 354) focum ignis, et super eo cor, itaque ∇ , \boxtimes , vel \star pingebant, quia cor Ægypti ut ignis coeli symbolum erat (p. 364); quare quoque arbor Persea Isidi erat sacra, quia fructus illius speciem cordis refert (p. 378). Hæc itaque fuit ratio, cur triangulus, præsertim univversus, sive Delta inversum (∇), Ægypti s. Isidis symbolum esset. Stella contra coelum vel Osiridem coeli regem forte insigniebat, cum ille Deus per oculum symbolice exprimeretur (p. 354), oculus vero sol esset (Jablonki I, p. 124-25), maxima quippe, prima et gravissima coeli stella." De his penes cordatum lectorem iudicium esto. Ego quidem interpretationem prætuli, quæ et simplicissima, et repræsentationibus, quas aliæ gemmæ offerunt, non incongrua videretur.

The first of these is the fact that the
 present system of taxation is not
 based on the principle of ability to pay.
 It is based on the principle of the
 amount of property owned. This is
 a very defective system, and it is
 one which should be replaced by a
 system based on the principle of ability
 to pay. The second of these is the
 fact that the present system of
 taxation is not based on the principle
 of the amount of income received.
 It is based on the principle of the
 amount of property owned. This is
 a very defective system, and it is
 one which should be replaced by a
 system based on the principle of ability
 to pay. The third of these is the
 fact that the present system of
 taxation is not based on the principle
 of the amount of income received.
 It is based on the principle of the
 amount of property owned. This is
 a very defective system, and it is
 one which should be replaced by a
 system based on the principle of ability
 to pay.